

Digitalikkut Kiffartuussiviup immikkoortortaqarfiani pisortaq

Digitalikkut immikkoortortaqarfik inuiaqatigiinnut pingaarutilik aqutsisuuffigiuk

Nittartakkat innuttaasut, sulisut oqartussallu pisariaqartitaat siuttuuffigerusuppigit – immikkoortortaqarfimilu ingerlalluartumi ineriartortitseqataallutit?

Digitalikkut Kiffartuussivik immikkoortortaqarfiuvoq suleriaatsitigut ersarissumik, akissussaaffeqarluartumik tunniusimasunillu sulisoqartunik ingerlanneqarluartoq.

Taamaattumik suliassarissavat suna tamaat aallaqqaataaneernangu kisianni ineriartortitsinissat: ulluinnarni suliassanik aalajangersimasumik ingerlatsineq ataavartuarnissaa illersorlugu, pisariaqartitallu aallaavigalugit isumannaatsunik, atoruminartumik ataqatigiissaarneqarluartunillu digitalikkut aaqqiissutit pilersinneqarnissai qulakkeerlugit.

Aqutsisoq ersarissumik sunniutilik

Pisortat oqartussaqaarfiisa assigiinngitsuneersut nittartagai Digitalikkut Kiffartuussiviup teknikkertaatigut isumagisarivai. Assersuutigalugu sullissivik.gl, naalakkersuisut.gl, Namminersorlutik Oqartussat intranet-iat. Nittartakkat assigiinngitsunut saaffiginnillutillu piginnittoqarput, tamarmilli anguniagaat assigiippoq: pisortanit paasissutissat digitalikkullu sullississutit pisariisumik, tamakkiisumik, isumannaatsumik, ajoquteqanngitsumillu pissarsiarineqarsinnaanissaat atorneqarsinnaanissaallu.

Pitsaassaaq:

- Qaffasissumik sulinerup piujuaannarnissaa ineriartortinnissaallu qulakkeersinnaagukku
- Aqitsineq sulinermi pingaartikkukku, taaguutitut isigiinnarnagu
- Suliniutinut aqutsisut, suliffinni siunnersortit Digitalinngortitsinermilu Aqutsisoqarfimmi pisortat oqaloqatigalugit siunnersueqatigisinnaagukkit
- Attaveqallaqqikkuit, oqaasiinnartigut allattariarsornikkullu
- Inuiaqatigiinni pisortaqaqarfinnilu pissutsit ilisimasaqarfigigukkit
- Suliniutinut aqutsinermut misilittakkatit takussutissaqartikkukkit

Immikkoortortaqaqarfimmi pisortatut suliassaqaqarfimmi inuiaqatigiinnut pingaaruteqarluartumi sulisut, ingerlatsineq, ineriartortitassat, aningaasaqarnerlu akisussaaffigissavatit.

Aqutsisoqarfimmi pisortaq pisortarissavat, Digitalinngortitsinermullu Aqutsisoqarfimmi aqutsineq tamaat isigalugu periusissioinnissaq sunniuteqarfigissallugu.

Suliassat pingaarnerpaaq

Ingerlalluartoqarnera eqqarsaatigalugu ineriartortitsinissaq ingerlatissavat.

Immikkoortortaqarfik ingerlalluarpoq, sulisullu suliannut atatillugu suleriaatsinik pitsaasunik malitaqarput. Taamaattumik immikkoortortaqarfiup aaqqiussuusaanera paasisaqarfigerusullugu, sulisut misilittagaat tusarnaassavatit, kiisalu pitsaassusaaq ataavartumillu ingerlatseriaaseq pilersinneqarsimasooq illersussallugu. Tamatumalu saniatigut immikkoortortaqarfiup ineriartortinnissaa isumagissavat, pingaarnersiullutillu nittartakkanik atuisut pisariaqartitaat, piumasaqaatit teknikkikkullu periarfissat aallaavigalugit.

Pisortaq aalangiisimasooq ineriartortitsinissaasorlu pisariaqartinneqarpoq – ilisimannilluartorlu ineriartortitsiuarsinnaaneq pinngortartoq suleqatit, piginnittut, oqartussat, kommunit pisiniartarfiillu suleqatiginerisigut.

Akisussaaffigisassatit

- Immikkoortortaqarfiup nittartakkat sullississutillu isumagisaasa aalajaatsumik, isumannaatsumik, suliannillu ilisimasaqarluartutut ingerlanneqarnissaat qulakkeerlugit
- Sulisut aqullugit, kajumissarlugit ineriartortillugillu, kiisalu akisussaaffii, suliassai,

ingerlalluarnissaat taavalu suleqateqarluarnissaat erseqqarissumik sinaakkusersorlugit

- Suleriaatsit, malitassat pitsaasumillu suliaqarnissap allaganngorlugit takussutissaqartittarnissaat illersorlugu – aamma pisariaqartinneqaraangat pitsanngorsartarnissaat kiisalu ataatsimut akisussaaffeqataaneq
- Immikkoortortaqruiup suliassaasa pilersaarusiortarnissai, anguniagassat allattortarnissai, aningaasaqarnikkut sulisussaqaarnikkullu pingaarnersiuisarnissaq, taakkulu aqutsisoqaruiup periusissiai aallaavigalugit malinneqartarnissaat qulakkeerlugu.
- Nittartakkanut sullissivik.gl, naalakkersuisut.gl, intranet, pisortaqrarfinniillu nittartakkanut soqutiginnittut piginnittullu ataatsimut ingerlanissaasa qulakkeernissaa
- Namminersorlutik Oqartussani sulisut, kommunini sulisut pisortaqrarfinniillu allanit suleqatit akisussaaffiisa erseqqarissumik suunerinik qulakkeerinninnissaaq, piffissaaq eqqorlugu akiuliutsitsisarnissaaq, pineqartunullu attaveqarluartarnissaaq.

Ulluinnat assigiinngisitaartut suliffimmi soqutiginartumi

Atorfik soqutiginartoq suliassanillu assigiinngisitaartulik aamma sulinnermi ilisimasanik atuiffiusoq ineriartortitsiviusorlu neqeroorutigaarput. Ulluinnarni aqutsineq akisussaaffigilissavat, taamatuttaarlu immikkoortortaqruiup suliassaannut qanimut suleqataanissannut periarfissaqassaatit.

Immikkoortortaqrarfinni pisortatut immikkoortortaqrarfinni suliniutinut nutaanut, pilersaarutaasunut ingerlasunullu ilaassaatit – pisariaqartitsiffiusunilu suliniutini sulisutut nammineq ilaasalissallutit- , tassani ilaapput suliniutit PDA-mut qinnuteqarfigineqartussat. Tamakku ilinnut aqutsinikkut, aqqissuussaannikkut, kiisalu piviusunngortitsinissap tungaanut siunnersioqatigiinnerni suleqataasarnissannut, taavalu patajaatsumik ingerlatsitsilemmissamut qulakkeerinninneqataanissannut periarfissiipput.

Apeqqutit

Atorfik pillugu paasisaqarusukkuit, Aqutsisoqarfinni pisortaqr René Kvist mailikkut ugguuna: rekv@nanoq.gl attavigisinnaavat.

Qinnuteqarnissamut periarfissaaq kingulleq

Qinnuteqarnissamut periarfissaaq kingulleq tassaavoq 28.09.2026.

Atorfinitsitsisarneq pillugu ataatsimiititaliap qinnuteqarnissamut piffissaliussatut killiliussap naannginnerani oqaloqatiginneneqaarnissanut aggersaanissani pisinnaatitaaffigivaa.

Atorfinitsitsinissamut oqaloqatiginninnerit 29.- 30. september 2026-mi ingerlanneqassangatinneqarput, taamaattumillu qinnuteqartut piffissami pineqartumi aggersarneqarnissaminnut piareersimanissaminnut qinnuigineqarput.

Akissarsiat atorfeqarnermilu atugassarititaasut

Atorfik akissaateqarfinni LR 38-mi maanna inissisimavoq. 1. april yyyy LR 38-mi tunngaviumik akissarsiaq tapiillu aalajangersimasut soraarnerusutissianullu illuartittagaq ilanngullu antterussuseqarput qaamammut Kr. 64.048 ukiumullu Kr. 768.576.

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginninniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput. Atorfiup 01. november 2026-mi imaluunniit isumaqatigiissuteqarnikkut inuttalerneqarnissaa kissaatigineqarpoq.

Atorfininnissamut naatsorsuutaavoq sillimaniarneq pillugu akuerineqarnissat atorfeqarnerillu tamakkerlugu isumannaallisaaneq pillugu akuersissutip attanneqarnissaa. Aallaavittut isumaqatigiissutit nalinginnaasut atorlugit atorfinitsitsisoqassaaq,

qinnuteqartorli Kalaallit Nunaanni pisortani atorfeqarnermut inatsit naapertorlugu siusinnerusukkut atorfilittut (tjenestemanditut) atorfeqareersuuppat, atorfilittut (tjenestemanditut) atorfinitsitsisoqarsinnaavoq.

Atorfimmut atatillugu suliffissap sapaatip akunneranut qaffasinnerpaaffissaanik aalajangersagaqanngilaq, suliaortarnermilu piffissat qaangiuttoornut taarsiissutit pillugit aalajangersakkat kiisalu ullut sulinngiffissat annaasassat pillugit aalajangersakkat atorneqassanngillat, sapaatip-akunneranilu suliffissaq aallaavittut 40 tiimiuvog.

Inissaqartitsineq

Atorfimmut atatillugu malittarisassat sukkulluunniit atuutsinneqartut naapertorlugit sulisunut inissiamik pequsersoringaanngitsumik innersuussisoqarsinnaavoq.

Qinnuteqartut atorfitsik aqutigalugu ineqartinneqareersut imaluunniit kommunimiit Namminersorlutik Oqartussanilluunniit pigineqartunik ineqartut inissaannik innersuussisoqarsinnaanngilaq. Ineqarnermut akiliut aamma ineqarnermut qularnaveeqqusiissutit inigisamut innersuunneqartumut malittarisassat atuuttut naapertorlugit akilernerqartassapput. Sulisutut inigisaq atorfeqarnermut atasuuvog, atorfeqarunnaarnermilu qimanneqartussaassalluni.

Ineqarnermut akiliut aamma inissiap pitsaassusia inissiap qanga sananeqarsimanera, piginnittua il.il. apeqqutaallutik nikerarsinnaapput. Sulisutut ataavartumik initaarnissaq utaqqinarsinnaavoq, taamaattumik utaqqiisaasumik inissiisoqarsinnaasarpoq, matumani najugaqatigiiffiit minnerusut imaluunniit akunnittarfinni inissiat aamma ilanngullugit najugaqarfigineqarsinnaallutik, taakkulu akileraarusersorneqartussaapput. Sulisunut inissiami imaluunniit utaqqiisaasumik inigisami uumasuutit anginerusut, soorlu qimmit qitsuilluunniit, uumasuutigineqaqqusaanngillat.

Digitalinngortitsinermik Aqutsisoqarfik pillugu

Digitalinngortitsinermut Aqutsisoqarfimmi siunissami digitalimik atuineq isumannaatsoq anguniarneqarpoq, aqutsisoqarfimmiillu inuiaqatigiit digitalimik aqqqissuussanik isumannaatsumik assigiissakkanillu atuisinnaanissaat qulakkeerniarneqarluni.

Digitalinngortitsinermik Aqutsisoqarfimmi Kalaallit Nunaanni aammalu Namminersorlutik Oqartussaqaarfimmi IT-qarnermi atortunik digitalinngortitsinermik suliaqartarpugut.

Aqutsisoqarfimmi suliaasaqarfiit assigiinngillat, aqutsisoqarfiullu suliaasaannut naatsorsuutit aamma assigiinngitsuullutik.

Kalaallit Nunaanni digitalinngortitsinermik suliaqarnerput tulluusimaarutigeqaarput, suliarlu maniguulluta suliarlutigu. Suliassat suliarinissaannut ilisimasaqartariaqarlutalu piginnaaneqartariaqarpugut, tamannalu ulluinnatsinnik ulapaartitsillunilu allanngorartitsivoq. Ulluinnarni sulisut naammagisimaarinninnissaat anguniarlugu suliat pillugit inuttullu assigiinngissutsit ataqqillugit suleqatigiinneq qitiutillugu sulivugut – sulianillu pitsaasumik naammassinninnissaq ukkataralutigu.

Aqutsisoqarfik nunalu tamakkerlugu digitalinngortitsinermut periusissiaq

www.digitalimik.gl aqutigalugu paasisaqarnerusinnaavutit.